

Visoki predstavnik pozdravio stupanje na snagu Zakona o udruženjima i fondacijama

Visoki predstavnik, Wolfgang Petritsch, izrazio je zadovoljstvo činjenicom da je Zakon o udruženjima i fondacijama, koji je Parlament BiH usvojio krajem mjeseca decembra 2001. god., stupio na snagu. Ovaj Zakon će dati značajan doprinos konsolidaciji civilnog društva u Bosni i Hercegovini.

Ovim Zakonom se nevladinim organizacijama i fondacijama ("NGO-i") daje mogućnost registriranja na državnom nivou te tako i mogućnost da predstavljaju Bosnu i Hercegovinu u kontaktima sa međunarodnim partnerima. Pored toga, treba istaći konstataciju da je ovaj Zakon u velikoj mjeri u skladu sa standardima Vijeća Evrope, kao i drugim relevantnim međunarodnim i domaćim zakonima.

Uz izražavanje svoje podrške novom Zakonu, Visoki predstavnik bi također želio iskoristiti ovu priliku i potaknuti Ministarstvo civilnih poslova i komunikacija da pripremi relevantne podzakonske akte, te da na taj način uspostavi mehanizme za registraciju nevladinih organizacija i osigura adekvatan fiskalni tretman istih.